



茹古畧集第五卷

楚人程良孺稱脩父著

友人吳 禎澹人父

男正揆端伯父

門人

劉之瑞

較

馮啓胤

姓氏

昔者聖王觀象于乾坤考度于神明探命曆之法就

省郡氏之德業而賜姓命氏焉

潛夫論

姓則觀其祖考

所自出雖百世不變氏則別其子孫所自分凡數世

而變言姓則在上言氏則在下也至于族亦氏之別

名也其實一也歷代源流茹古氏曰炎帝之姜黃帝之姬

似不可更求之古合璧西祁諸人之薄德不錄源流高陽

以下之明德逋彰柰何不内省于今上有微品于王

謂之千品諧天論其配音于正轉而五音白虎通世紀則

遠嫌異類上族望則婚耻非羣高士廉傳不必離析文字

而橫生諱忌吳志豈其廣資聞見而致事糾文故曰五

帝三王之臣所謂號也文武昭景成宣戴桓所謂謚

也齊魯吳楚秦晉燕趙所謂國也王氏侯氏王孫公

孫所謂爵也司馬司徒中行下軍所謂官也伯有孟

孫子服叔子所謂字也巫氏匠氏陶氏所謂事也東

門西門南宮東郭所謂居也三烏五鹿青牛白馬所

謂志也潛夫論四岳與咨幾共平成之奏世說五臣濟美

疇黜典刑之望白虎通博浪一椎或為十日相寬公私

下邳張驃騎千駕試問微時得幸吏事平陽衛青易則

筮之陸羽唐律則吹之京房漢書家近稽山之側晉傳時

號水族之鄉舊唐義有嫌于疎東晉書字有借于莘辛唐

並四桂之了義陳琳碑陰種一李之前因老子若濫冒金陵

從鄉校之議記適就外氏憐仲淹之貧家錄乘舟偶效

于陶朱名非伯越范蠡入境遂稱于張祿志在投秦本傳

元老登庸帶令諸胡爭似南隴西刊定星馳駝李何

人僉屬次于第五北比似于半千新語其浮屠而亾匿

命五代其上第而語故園蜀檣憶崔陳之相去世伸

刁盧之微言晉中則夫安亾為虐在丘為虛生男成

虜配馬成驢而且有言則誑近犬則狂加頸足而為

馬施角尾而為羊啓顏枝分派別萬轍千塗呂伯自

尚書領獲而來甲乙有異唐柳縱閱閱矜尚有日氏

族誰居新姓者分貴分賤則平章之百姓於變之黎

民似為有說姓者從女從生則女之適而別與天子

之王族諸侯之公族卿大夫之別子各有所殊蓋別

姓為婚別源為宗別祖為族其不以異望而婚也固

也其以各望而宗也非譜通其始不族也族則近而

別婚則遠而言甚矣夫人之不可不誓于姓也蘇明

允云古之世族繁而知之者反多今之世族簡而知

之者反少蓋由譜牒之明廢而已悲哉

宗族

以親九族

書

以定二宗

韻會

世族遠長寧假問于著龜

星數

柳郢戒子

衣冠顧矚盍稱舉于名教流風

舊唐

門高則

自驕族盛則人嫉忠信篤敬乃食之醯醬不可一日

無者也

上

君賢而臣忠父慈而子孝政荒民敝則覆

亾之懼何敢侈言其盛哉

世說

世德勿喪

宰相世系表

家訓

是求

顏氏

服屬易疎未可分族而傷忍

梁書

少長咸肅寧

庸惰志以交偷

北史

說者曰北固壯氣歸然衣冠若續

新書

淮水波流不竭文雅伊人

王弘傳

卽以看大鄭相小

鄭相因話錄南阮富北阮貧晉書持論于八裴八王晉傳較

著于五荀五陳世說呼有殊于微子南史地有重于烏衣

上其高門以偶謝南史其華胃以遙譏南史余有取夫官

不假蔭李懷遠趨不顯榮何敬容談論鋒生信是鄙宗之

美王惠操修清絕聊表衰族之聲晉書別傳慕羅隱之詩名

有推異等六帖驚謝晦之賓客長慮居停世說遡混元之

世代筆錄想豐邑之家乘僉載豈寄孝思于荒壠五代豈担

魁選于廬陵夷堅志豈倏忽見誚于同籍新唐書豈依傍

共撫其遺行舊唐書求諸異類之無情相憐共乳崔隱甫奏試

問綠林之肆暴語戒勿爭舊唐書世睦則為三後漢累七魏書

合爨則百指上集千丁錄異而不見駕幸鄆州書百忍

感懷下涕舊唐書義彰太守橋百口風化聞聲吳地志如是

作而言曰仰觀堂構努力無已沈約云未遠昭穆掃地

何論韻語陽秋酣讌之餘作韻語以振風流莫為盡美謝混

竹林之會寬禮數而任放達率自有真晉書表光德以

同居士師奚愧賈氏談錄勅太宰以致祭賢哲與崇魏書余

嘉夫名德芬輝蟲雕之有世業王筠高夫志行惇厚馬

糞之有門風王善夫鼎鑊作麋聲息幾以播遠錄異嗤

夫閹閱既墜嫁娶猶以取豐新唐佐命歷朝相傳忠義

之氣舊唐雄才江左疇根雅道之踪天中于以攷世家之

盛自古未有唐贊于以笑東海之大何所不容因話錄茹

古氏曰三屬通之母妻則事緣英布而不及吳芮可

為一證海錄單戚寬以婚媾則綴食而繫姓自昔遵從

禮胡為不吊胡為不免上誰可奪敵誰可奪宗漢書余

讀岑文本氏族志參攷史傳檢正真偽進忠賢退悖

惡先宗室後外戚退新門進舊屬右膏梁左寒俊似

譜系之信史肆考再紀范文正義田記日有食歲為衣

嫁娶凶葬有瞻誠敦睦之高行錢公輔記後死而生如足

如手薄俗難論小人利口蘇明允族譜引同源分流人世易

疎恍然悟嘆念茲厥初陶潛贈公族故觀蘇氏之譜者孝

弟之心可油然而生矣

名字

名成乎禮字依乎名御覽是以紀別吳錄于馬吐情白虎通

依其事旁其形而不見先代無文主以太甲武丁之

屬今制有定相以宗廟燕寢之宜上求諸婦人野人

賤已不敵御覽推之伯氏仲氏命有深知白虎通雅意

依謙玄嘿冲虛今各當魏志微嫌中諱靈冀觥鉅莽

寇褒者有奇吳錄祖孫父子之間二靖無分于處士容齋

隨筆兩屈相類于安同北史此何說也聖帝明王之會趙

堯李舜未聞為逆王莽曹操不假襲名將安用之大學

韻樓藏板

行義慕之蘭仰之蘇第因時而及豹左斯千里陳武外傳

以名駒南五百年間出員半十一世儒宗論語正義文學

有其刺技直楊遺堂構紹其家風陸象先遡蕭桐得御之

由無能賤舉神緊素立奉使之日切幸偶逢唐念故

主之誼情深任俠漢憶異鄉之舊事紀乘驄東禮會

何人聯文章門戶之席因話錄制誥有屬批散煙傳蠟

之詩本傳客館之告平原忽爾嗟嘆雜書錄之題劉向

無用驚疑宋郊答馬通叔駟史鯉恰伯魚家語歐來幾

殪列瓜下從乎紀傳不問吕后夜雉四朝聞那見伯孝

朝鳴齊書無取飛龍在天之義五代何來阿羅兵士之

評記知之者以婦孺司馬公行狀以官禁歸田錄以草木舊唐

以虜夷裴度事業在中書張名望先勝國李綱故相推

重降從天帝之命仲忻逢堯舜之君李膺曾幾追隨何

以妬才泛子嵩之舟石城終恨江南野史何以嗜殺投曾

參之杼費邑已罹秦策則游肇之守正後梅福之潛踪

乎漢書成師所以兆亂左吉甫所以予雄乎傳故曰君

子之名字也必以信義而澤淑令所以祥其名也不

以官職所以殊其名也不以畜幣所以重其名也不

韻樓藏板

以隱疾所以顯其名也通告內外所以招其名也書而藏之所以寶其名也賤者避之所以貴其名也冠而有字所以尊其名也御覽吁美名哉

祖孫

余讀顏氏家訓潘尼之稱以祖侯霸之稱以公則夫

祚首自始什名王首加宗爾雅秩祐之詠螽斯之章詩累

以百葉若一體也左世不廢業其克昌乎孔叢用義用

恩無岐分于輕重記荷杖搏杖差辨論于等夷品覽豈

為作尸提抱之情每篤記將無繩武蚤夜之際以思

下武累傳清白後漢聊酌安危龐公故業可思慷慨中興之

業馬璘遺書有在暢發後起之奇姚珽于識友行任年少

而官薄漢書頓超羣伍將悔暮而追遲衛玠如是日吾

祖之殆聖晉書此兒之興宗魏書視遺書丁顛留硯范馨而有

當憶甘棠魏書典冊世說以相從楊奇之負強項後漢員淑

之逞詞鋒唐書引佩刀而刺淚晉書據盤石而慘容薛元超傳

幾以元和似與于先之監國唐書信茲平允何必不後

之崇封虞詡登第唱名之時亟有煩于清問李東之佳賓

旅見之會多有快于在公周蕭愿若乃登北固以成詩

語嘲貽厥南史命脩篁而作賦仰羨家風梁沈衆為純孝

為純孫感悟者若為有待孝子傳事日長報日短陳情

者莫禁于中晉書縱酒讌歡之餘時與披薄後周李遷哲問

安視寢之際一日領之郭子儀逞山北迂塗由來智叟

之笑列倘委蛇少識寧無禦寇之訾列噫嘻織女借

其麗字前天文志幼婦美其諛詞韻府餞風俗通賞甘之所有

事詩李白註畫之因話錄所共推尊看鼻祖方言傳但耳孫

應貽謀有日史攸行滋蕃書其木有本而水有源也

乎

父子

生我劬勞

詩 蓼莪

昊天罔極

魏 風

蓋門閭之多倚

策

常峙

岷之與陟

詩

南面而明北面而順

決疑 要錄

高高然而上

晉晉然而循

書 大 傳

阿咤之呼以回紇

會 要

郎罷之呼以

八閩

顧 况

取義于肯堂肯構

書

比事于烈主嚴君

淮

若

曰雙珠之生老蚌

後 漢

野鶴之在雞羣

嵇 紹

相較于季長

伯高之間勿為輕薄

東 漢

更酌于伯益偉長之輩匪但

親昵

三 國 魏 王 昶

家法有存則構事小齋鍾若偕其佳韻

柳公

法誠欲切則旁搜往古屏逾重其師資

房 玄 齡

夫

同居禁筦唐書蘇環代有文詞謝鳳當吳元濟謀逆之時統

兵塞外平淮碑當楊嗣服貢舉之日置酒私薨六帖而不

見一日居官代為請乞孫逃兩月朝會具表私情隋史蘇

環有子北窻雜錄仲謀佳兒世說擬之日冬可愛夏可畏左

高其風畏人知畏人不知胡歡從仲舉汝南先賢傳談共

阿戎上賦鳴蟬今有當歐集愛舐犢今多窮後漢而且嫌

殺青簡閔祐傳破撞烟樓東坡答陳季常勿復盞而恣蝙蝠之

誚玉泉子豈對奕而厖瓜葛之憂世說於休哉以文章以

驍勇以草隸美夫三絕之各宋文會竣得其筆測得

其文奐得其義躍得其酒更妙一狂之無餘顏延年攷

真人之東行則元方將車季方將杖叔慈應門慈明

行酒世說想家法之整肅或侍以參政侍以補缺侍以

侍郎侍以起居竇儀三槐手植邵氏錄百果心推南史感之

坐卧與易杜延年念之遠近相遲王方慶譽或成僻新唐功

勿滋疑韓子有頃泣杖家語未幾觸屏漢書語相嘲于銅臭

烈崔念或事于杯羹漢書豈必解橐中之裝時從歌舞漢史

將無窮水陸之美猶爾杖刑資暇集落落石磧之累行

不堪奉教博物麀牝鯁鮓之往事無問趨庭天取風月中

山水以名其心每異謝莊置奴婢田舍而去此念最真

霍光傳一日付厨而言者誰氏風俗他時還朝而見者伊

人之呂尚則悲夫鑱膚以驗孝友傳憐其行乞相隨程嗔

招權者之幾敗事狐令恨居貪者之致毀祠狄景暉疇曰

使君乘板輿忻忻色喜北史是關吏部別河渚戀戀情

癡南史昇輿相代之微詞可稱純孝御覽追捕自刎之節

槃雅重倫後漢如是幹蠱有屬易跨竈允宜上則所

謂有是父有是子有是子有是父者余得以快談于

斯楊子

母子

母氏聖善母氏劬勞詩侈燕喜之咏上陟岵嶺之高

上朝出耶暮出耶情生而望在矣大痛乎小痛乎離

裏而屬毛馬談藪曰社注曰媿曰姐說文曰嬖曰嬖曰姝

集韻稱若異俗為生為庶為乳為慈為保為出義有同

曹合璧吾聞母以子貴更想慈以成嚴乞郡夫人以申

情可為故事趙康晉公拜湯沐邑以盡養勿避私嫌春明退朝

錄歷仕平章典有榮于特詔張賢臨觀御宴禮有絕于

寵班職官分紀觀洛水之遊鼓吹喧闐登凌雲而動色王亮

古今集卷之五 韻樓藏板

憶閒居之賦歌舞駢奏坐板輿以偕歡潘岳而不謂非

此母不生此子也乎列女則邈其所安者焉不必傳奇

于搖竹孟于汲泉姜詩亦不必罹慘于威豪之執後漢黨

錮之冤范滂舉兵慮其成敗陳錄囚問所平反漢書招賢

士以共卧列女訝俗客以投餐華陽志却遺金于田稷列女

急封草于義方傳蓋至責其佞諂王琚怒其蕩狂趙武孟

憂其驟顯潘孟陽竚其擅場宋虞集相謝以孤犢觸乳之

諺漢書相囑以輕肥惡息之常舊唐無忘躊躇于當歸之

旨孫盛雜記無煩掃除于墓道之傍嚴延年傳小人有母左分

以樞實蔡順傳懷以橘香吳志賢者莫測傳絕裾何忍世說

叱馭何忙王雙目俱盲惟虔祈之有願傳寸心既亂

豈肯霸之有違蜀志憫湮廢于周官以隔紗而高講席

遺拾遺遭奇誣于刺史或擁笏以飾家常退之曹王碑余憐鞫

獄之少年有其形似杜羔更憐解職之郎署益其亂慌

朱壽昌悲夫甘泉日黯將重苑馬之戚金日磾佳哉雲臺

烟迥從傳隣舍之殃孫盛逸士傳若夫神黃雀之入幕晉書

誣蜂螫之綴裳琴操相憐几杖胡廣遺誚螭匡蔡延慶公私

以制練曾叔伋白以定喪禮彼衣冠之家傳乾道之事

而談為美曲消舊聞豈百世之後知蘇氏之保而否以藏

東坡噫嘻太湖之旁無復餘草雜記幽冥之理幸以再生

談數枉狀以發情寄物之談殺已有漸孔融傳深思于先

國後家之誼忠亦可成鑑余又求之陽德炳如則日

華有象內事秋風焱起則虹暈從徵嶺表志就市上以飛

還青蚨者屬談數登華陰而疾走綠蟻者靈列仙傳望壇

墳而集寶原化記妙炁化而隸金仙傳拾遺南陽之歌太守

後漢著作之美聞人南史夫何里名之較勝鄒陽傳而坤德

之稍湮也哉易說

兄弟

以余讀蓼蕭之詩也鴻鴈有序杜鵑鵠錫在原棠棣如足

今如手李華戰場文吹箎今吹塤詩何人斯山鳥之羽翼已成

分飛何似白帖竹簡之積聚既眾摧折何時天中蠶績典

謠情親而更俗檀弓鴈詩作謗諧諛以貽譏遜齋閑覽若非

龍駒當是鳳雛持論之餘有當陸雲傳蜀得其龍吳得

其虎盛名之下無虛世說吾逃稽于封胡羯末上竊比

于酪乳醞酥上猶異乎八為荀爽本傳六為卞壺白帖無

已陸氏之雙璧魏書王氏之三珠本傳詔書叠至唐闕史科

目並途韋述傳則有曰皆謂金玉南史少為鵠鷓河東事又

有曰騁雙驥于千里南史躍二龍于長衢張詮南燕書季方

難弟元方難兄世說眉白最著蜀志腰鼓爭鳴南史俗事最

喧其寡詞而稱善世說神思清發無假寐以游情晉書草

舍繩樞莫益鳳樓之舉續苑沿江負海浪誇兎窟之營

王衍紀其貴者曰弟草兄制韓子華兄草弟麻金波遺事則高

元裕之舉代孔帖韋嗣立之叢誇也唐書高其義者曰兄

飲弟醜孔融優劣論弟報兄冤索靖子琳則流矢兮誤中姚襄載

旌兮以先也左被可共試看姜肱之卧後漢衣可易無

長李充之貧汝南記避爾名高辟先辭于公府后詩自朕

家計哭何向于生人晉諸公讚委曲而成讓德白帖感泣而

息忿端蘇瓊勿出擲火之策周頡時作償博之觀因話錄吾

有異掩尸自搗之妻俛首而多禮繆彤但不識作脯定

坐之婦縮口而頓還隋煬帝記其乙那以謝阿干輒鳴奔

馬前燕如三清而行君法無籍冥錢曲洧舊聞未幾泣投冰

有開于宿岸異苑因之詬厲杖莫舉于市闔通慮厯亂

階雖作謗而語切晉書義明委質寧假會以情牽江表傳

非漢相不可私撓坐從東鄉漢書彼大才終當晚就好

韻樓藏板

任文淵馬援噫嘻遣少匪私料家督之見殺趙世家為兄

有願快侍養之日長華陽志居嘗則行事皆諮無充私

橐蔡郭寢疾則盥沐俱廢有痛連牀南史蓋何必減驃騎

第五之譽世說何自殊東山一壑之常上何必不感悟

而成清白之吏東觀漢紀何必不疑似而對豔冶之粧風俗

張伯儕祭戟俱列孔帖臺省世均裴寬聽謠歌于西河之上

大馮小馮看豐碑于洛水之濱棠棣碑比當年烏衣之遊時

偕雅會介後一日蜂腰之奩允叶輿論周弘正而不見

經紀畫工朝廷稱其兩絕舊唐婆娑庭樹造物有其千

真齊諧記則父父子子弟弟兄兄都哉

夫婦

易基乾坤詩首關雖書美釐降春秋譏不親迎夫婦

之際人道之大倫也是以夫夫婦婦而家道正家人卦

陰陰陽陽而統御尊列女偕老矢願詩一體聯恩儀若

比以肩三異記從畫以眉漢其畏之如魔母唐或遇之

以嚴君東漢親卿愛卿語有諧于誰復世說私我畏我事

有喻于合從國策沔南之自堪以才訝傳鄉里孔明彼傭

之具將以敬驚舍老翁後漢非久長貧相顧而揣其允

稱晉山濤未幾封事俯首而憶其奇窮王章不意天壤之

微詞生嫌逸少世說祗謝河魁之殺景却走豎童荆湖近事

則夫千金而憐亾命史記共載而卜侯封論衡名急成于

命將史記制素奉于在公郭余嘉夫燕居以禮仇覽寢疾

必恭樊倅嬖幸非其好南史貧賤幸以同尉遲恭飲或期于

竟日沈文季笑幸邀于偶逢左昵之荀奉倩之取冷晉書

忍之周稚卿之鞠凶漢書疑矣搥從吏卒劉琰癡矣局目

戶牖李益蓋至尋當作粥世說試語選弓晉憶亾書而真

草惟命蔡文姬思遠禍而去住追踪唐貴郎何似魯秋胡

御士幾供列女白頭不堪于啼詠西京雜記兩袒故切于情

通風俗從容謝貉世說憶恨伏雌風俗其怵然于落杖蘇軾詩

其更事于鼓吹司馬懿謠兩日之並出後漢筮久困之多

惟左襄誠非夢耶嘗試國忠奉使之日天寶遺事可與言哉

已偕堵敖並誕之期左剩有詩思恨少恨晚之篇幽

懷莫述唐多看義重廢梳廢沐之念老死何為北史環

歲而召餅師增憐明媚寧王憲猥處而配徂獐失韻林

詞李易安偕老鄧襄有心之押衙幾遇太平廣記自甘澹泊

可奉之皓叟尤奇孫明復母舛義于一日家語母笑曠于

宿時昭或為馮衍之娶罵本傳多少義方之相知唐籍

注已定晉禮志盟誓在前物理論請以誦有別之章焉

諸父

夫所稱庭階玉樹也哉世說吾以讀杜牧寄阿宜之作

集馬援戒兄子之書漢書方之山濤以下魏舒以上伊

憐往日之癡誠為實美晉陽有如駒齒未落龍文已成

求諸千里之外疇美方譽北史遊春黃胖之吟無能終

宴談數玄晏先生之學會否卜居晉書得色而來盛憎北

府之愧謝澹並名而起便教邪輸之吁北齊豈必朝野希

榮了無止足漢書何事書劍遺悔日飲多逋表余又以

高于恭之任撻後漢僧虔之回舟南史遇歲荒而度活東觀

漢紀 值獄事而餉羞宋書 有明其先見三十國春秋 無穢其素

風晉書 紫囊但戲謝玄傳 華錦匪謀晉書 雅慕詩名賂遺而

通譜敘舊史 矯誣風疾遊狎以敗行脩曹瞞傳 而不見車

則對坐食則比豆感髮髮之二色蔡邕 朽敗所安荒頓

所戀曷肺腑之私謀後漢 夫所賞者疎野因話錄 作傳者

孝忠宋齊語錄 嗣定遠而光家道任環 破萬里而乘長風宋書

如謝安之與謝玄鶴唳風聲奏可淝水之捷鑑 如文

穆之與夷簡紗籠鼎望稽勿潁陽之踪唐書 魏徵之請

封聊可勸俗上 楊約之奉旨那不解容隋書 謂天道之

無知棄之者故先情絕鄧伯道 乃良吏之有待哺之哉

豈曰幻夢元秀 假寐安寢之私將無近是東漢 顧名思義

之訓斯謂大同魏王昶 至今過烏衣之巷西京 高竹林之

遊晉 何必不明珠之在側宋書 何必不裂土以封侯魏王

基 乃如癸以作解什名 字可相呼袁盎傳 亦奇聞也歟

賓主

我有嘉賓

詩鹿鳴

魚川咏而鳥雲飛

韓文

不欲俗物敗意

世說寧謂鄙吝復生

傳

則夫東階肅入

禮

北面相追

左

厨以分其三列

烈士傳

揖以重其深知

漢書

其上于五侯

若關唇舌

漢書

其稱以賤子驚離席帷

漢書

湖海元龍卧

百尺而與語

魏書

義興太守煖四座而匪衣

南齊

驛遞之

莫可少停輒從卹勞

鄭當時傳

名刺之未幾都盡那謝晚

歸何思澄

非車榮不樂

世說

是休源與居

范雲

未至而觴不

欲舉

晉書

每見而席第以除

宋書

款雜之言誠所未有

世說

襟懷之咏偏是所長上雅對忘疲而縱觀酣暢周書相

期奄處而突入踉蹌陳乃若處逢鳥噪南雅繕侯鯖

漢書擣蒲博塞之多能誠堪選對吳志院庭舸舫之間置

却勝主盟南輝赫黨朋勿致仲舒成季之好唐輕薄

祭酒若成王儉張緒之行南司馬庭前直奔走而共

設襄陽記清油幕下指形似而多輕蕭吾取夫耆德已

成憂無煩于密伺列而異夫簡潔特至拂有事于相

并南嘉夫真率從常無似美供于晚至世嘆夫劬勞

自執且為報貴于前迎南蠅胡作吊吳雞亦從鳴傳

第借面于厨監典畧早結緣于山靈志其豪之而名

士皆集天寶遺事其殘之而權軸誰櫻梁其夜半私之而

號稱十哲撫其南浦傲之而慘絕三生吳佐獵以豪

妙鷹絲之在手崔弘負慙以俠競龍劍之騰光史好

事已諧日中之所欲舉王毛齋閣始至年少之所靡

遑袁空朝而關吏部之赫赫南盈路而訝長史之漫

漫張嘆一時之興廢翟廷想此日之誼譁梁逐既不

韵秦狎何浪誇陳不見夫朝趨市者乎日暮之後掉

臂而不顧矣策柰何有差獨樂者乎長短自裁學步

所難持矣漢書十年去國門前之雀可羅一日登朝屋

上之鳥亦好啓堂上百里驪明無撤器之因昭門下

三千毛遂乏處囊之道粹文相知多著籍策樂聖且銜

杯李適孔文舉云坐上客常滿樽中酒不空斯東南

之美也哉

師弟

蓋聞之楊子一閱之市不勝異意焉一卷之書不勝

異說焉于是起而尊之曰吾師乎求諸經術歸耕之

語夏侯羈貫成童之時穀譬之于將莫邪巨闕辟閭

時為砥礪驛駟驥織離陸耳詎少鞭箠荀身名之

顯也在于師無懷腐而欲香也無入水而不濡也呂

達師之教也使弟子安焉休焉游焉呂大墳祿圖之

人其所自始韓齧缺被衣之輩或非廣傳莊往不追

來不拒孟虛以往實以歸莊德在三之義後秦函丈

之儀禮曲齋戒而來未幾填海移山之力蘇張輻輳而至

曾是生徒女樂之輝馬融無喜擔簦各市宅以相就張

求親洒掃多擲地以無譏林宗別傳感鄭生之夢南史下仲

舒之帷漢書鳴董春之鼓上端盧植之思本傳人倫作表

世說吾道已東高士傳竊笑影質北史致嘆穢風上高南面

之殊禮晉書敦巖石之高踪朱穆藍視青而作謝魏書心較

面而有逢列傳尚書著作之名流非殊剛克北史春秋左

氏之奧蹟曾幾奇窮譚賓管絃極樂卮酒聊供兩人之

聞知各得張禹莽卓無為伊霍有願儒者之所見畧同

舊唐呼青溪而不名相憐識小南史卽白晝而假寐事絕

夢通邊詔不為摧鸞鳳之翮而游燕雀之宇先賢傳則試

五百攷其運數而半千快其所從神異如以論年白首

高其先達文中子無妨稱母高義快其崇封前秦記踐祚

之君斯乘輿而降幸宋紀異類之虜抑仰闕以尊崇蕭穎

士傳登山採玉入海探珠飾勿東家之故事郗原俞扁之

門不拒病夫繩墨之側不拒曲木載稽子厚之書辭

新唐豈不及聲樂賤工譜以明其授受韋表微亦不妨膏

盲廢疾旨以暢其歸依何休乃若步擔相勞薄德爭趨

事有感于飲泣晉王褒貫械何為宿誣更奏寃有慘于

垂紳東漢且思因我之楊城解難無及南若語作賃之

子慎竊璧非真世說忽而求監忽而丐歸料不負于家

國趙蕃于以吟風于以弄月會有想于伊人宋周敦頤吾家

故事門前三尺雪坐上一團春都哉

朋友

以余讀伐木之章自天子至于庶人未有不須交而

成者毛詩序名由之成事由之立猶唇齒之相濟乎劉歆

新議固如膠漆堅如金石斯蓬麻之自直也譙子吾不堪

翻手覆手之句杜而第申覆楚復楚之行左即無從

龍隱鳳衰之諷後漢而用尋丹雞白犬之盟北戶錄就體

而分首尾魏畧自度而俱死生列士其神交乎何必相識

有素山濤別傳其莫逆耶故在一笑與盟左可以勿頸漢書

可以契衿世說可得意于濠梁莊可酣暢于竹林世說從

雲間以結想南史甘世外以澹歸晉書杵臼之間相驚傭

服東觀鍾阜之側聊遂初衣南史雅篤虛襟何論耕夫牧

豎周書相聯名閱已忘顯晦升沉齊春秋軟美中乎柔情

驚呼以小新唐書推還要于日久往復以心家語廉儉自守

放縱不拘政無妨于異行漢書疾疢愛我藥石惡我似

有妙于知聞左襄夙契有懷以紵縞為美談以絃韋為

幽質後魏風味轉墜誰為牙生鍾子誰為匠石郢斤世說

則夫以飲泣鄒子以夢迷韓美醇醪之款款江表感山河

之淒淒世說千里今候食會語典一榻今關唇尚書故實豈鹿

豕情牽子寧貂蟬恨長惡賓西京雜記周旋作我世說

識度猶人山公相期始終非日東之高閣晉中興雖經險

阻無稍易于性真舊唐書而不見羅浮之山樹鍾情而合

抱廣記永嘉之夜夢慘淡而思輦通幽記憶昔時之遊乎

或提手春林或負杖秋間逐清風于林渺追素月于

園垂南史且思平居之悅乎多遊戲以相逐強笑語以

相親出肺腑以相示指天日以申詞子厚墓誌憂煩未遣

周書過失相規北史青莽非樂死豫章胥鄙豈居危新序花侶

招携更名以玉北戶空門晤對好締以詩醉吟先生士為知

韻樓藏板

已者死外傳儒有合志者誰家語若夫耳餘之隙末漢書況

泌之遊嬉唐新噫十年之已盡交遊賦恨四道之將離白虎

通斯為臨風對酒之詠魏書將無一丘一壑之期舊唐書所

至而擇郭太傅不三而携續漢青松無落色孟郊詩門庭無

雜賓孟浩然詩叶鬱郁于蘭蒨志婉變于篔簹廣絕交論如是

又何交道之難未易言也後漢王吉甫

茹古畧集第六卷

楚人程良孺稱脩父著

友人吳禎澹人父

男正揆子瞻父

門人 劉之瑞 較

聖

五百載聖紀符考靈曜從天帝而加算河圖承歷數以受

圖鄭玄注庶品之自然以協萬事之終始以窮家語淵微

畢照顏延之元氣與同姚信占緯吾知其洋洋尚書穆穆禮蕩

蕩列子純純禮神明兮幽贊易天地兮彌綸楊雄五內

脩澹漠進與道浮沉書大傳制調高下燥濕之要盡策智

崇河海山石之深神異但求足譽淮南勿以府謀淮南見

九拂而慮遠泰旋妙萬變而神游淮吾不知曷獨擅于

東魯新論迺專產于神州士偉生也天行死也物化莊求

之事功抱雌而守清文子譬之水火益遠而彌壯楊沉

淪徹于無內曠蕩比于無外孔融聖人優劣論猶中衢而致

尊淮南其明鏡而通昧莊蓋聖人之道如天地諸子之

道如四時四時相反天地合而通焉子傳非天下之至

德其孰能用之楊

賢

氣之清者為神人之清者為賢繁露則以譬葵霍之不

採文子等黃金之累千物理論其處世也猶豫章產乎幽

谷芻論金玉生乎沙礫其得主也翼乎如鴻毛之遇順

風沛乎若巨魚之縱大壑王褒易稱鴻漸易詩喻鶴鳴

詩辨星辰素問而罩宇宙稽中散安社稷中論而坐神明家語

勞身樂動聲儀礪行孔叢虛已任瑕外傳忘心莊不魚鳥之為智

孔叢勿風雨之累行琴操形之誦讚者曰含真謝萬楚老頌抱

璞官徵君頌玉粹金貞孫綽原憲讚翩翩兮霞舉王真宰我讚猗猗

韻樓藏板

今雲停賢傳又曰百里戢景陳大虬川摘光謝萬八

鸞時鳳立史胄龍翥華太鴻翔吳先賢六翻與鼓抱

三握非忙史渙羣叶吉呂遠鐸從長列女分有嚴乎

上下尹事何咲于遐方呂吾意異世而接踵千里而

同堂記百代為美孟三世逾芳黃石公出則東閣弘

開儕作公孫之客傳處則竹林雅適與陪阮籍之行

晉書噫賢矣哉

忠

憂此社稷策竭彼股肱左卑身賤體夜寐夙興說故

曰古之制也左民之望也襄約言有在宣世篤如斯

書則以我為知乎以我為仁乎以我為勇乎新道覆

君而化之德調君而輔之是非諫而怨之外惘惘欵

欵屈原進思退思管以余觀妾不衣帛馬不食粟之

誼成並想東隣構禍南箕扇疑之詞宋何以失七

何以失軌新妄不以死詐不以為說厲節狂豎魏視

息人問晉斷臂而爭從教陳列新排闥而入豈幸生

還沈恪無有代君之言吾竊疑其幾倖左殺身贖國之

語吾亦怪其疾呼國語豈曰土臣似當從容之義上此

猶一卒是為慷慨之圖策蓋承命以來深度兩全而

任劫說自渡河以北那弗長逝以遺行東觀骨親肉疎

感念平齊之少烈典畧分榮班錦深嘉丞蜀之潛聲藝苑

雌黃而不見傳彤之父子蜀志欽寂之弟兄舊唐衣帶鞍馬

之賜衛融鏤金鑲石之銘真宗過張巡廟一遇灞陵下車而湏

涕東觀再經扶邑椎牛以輸誠東觀忠矣哉吾求之孝子

比之女貞論抑寧為良臣無為忠臣也乎史

孝

思念陟岵詩哀號倚門孝子傳于以補亡詩初學過寢

門北遮莫嗣服詩而繼志禮邠求愉色而怡聲隱括

百行並通極神明援神契日就日度日譽日究日畜品

有透及援神龍獻圖龜出書天孽滅景雲游瑞乃相成

上魚合竹筒觸彼岸而咲語孝子傳米滋桑椹哀十斛

而寵靈風俗殊美甘馨未幾明失若霍盛彥之相依喘息

頃爾齒落更生傳則試咏餅空之疊詩看園中之稚

詩病從十指以入命錄毒泐一蹙以遲續定至道真傳

聽斗中真人而說法十二貞君傳天司紀錄從衛家女子

以傳奇孝子感自駒轅芻草且以暫綴魏畧寃非市戮旂

竿胡爾奮飛王紹之孝子傳窖錢若待史系鄰火已微東觀其何

異醴泉生于竈下上怪草秀于庭幃搜神如是為之說

曰曾閔同此念也語荀何彼何人哉荀氏家傳陳紀之像

生還死先賢傳楊引之門去復來漢書念過隙之倏忽悲

逝川之不停踐霜雪之悽愴懷燧穀而涕零孝思賦與

人子言依試過成都之市嚴君平傳伺親舊作好爭趨權

倖之門魏後得解以策名願深家國宋德宗椎牛而祭墓

想何鷄豚外傳悲夫

理學

唐虞三代道學在天下春秋以後道學在六經漢唐

諸儒皆無實見道體者宋興真儒輩出周程諸公倡

道于世遠言湮之餘猶桑間濮上之黃鐘大呂朕鹽

醬醋之太羹玄酒也

備攷

試迦其始八卦遞衍

伏羲記

皇

極相宜

三代

迫更以荀卿之理要

荀况

草以楊雄之大玄

漢書

講授河汾槩中說以不泯

隋

進學國子振八代以

從先

唐

嗜溪流而愛庭草

周茂叔

凌寒雪而擁春風

二程

李氏之源流著可經世

邵節

康

關中之學術指屬正蒙

張橫渠誰堪風力呂利叔已足操脩李端伯穎悟捷得楊龜山

溫和彌留范淳夫若乃英氣偉度楊應秋月冰壺李侗求以

未發之氣象羅從彥引以未起之蒙愚朱子吾又稽夫康

侯之父子胡安國象山之弟兄陸象山河洛之闡或悉呂恭

傳義利之辨已精張南軒學永嘉者根極致治陳良學

永康者晰說用兵陳同父鄒孟之所猶昧歐陽脩王伯之

所未惺司馬溫公老友幸托蔡元定斯道望殷黃幹縱一室之

蕭然其樂靡極陳才卿況他日之望在其進匪羣李蟠則

又有歸諸的當方賓王久愈密精鄭子上不支離之為繞

徐子融不葛藤之與橫上夫亦有根據廖明德見本源陳淳

寧第大義之扶真德秀魏了翁書傳之尊蔡沉說者曰斯無以

回勢阡形危之元氣平楮輕物重之權衡寧知心以

堯舜而在揭以日月而行吾惜夫世不皆唐虞三代

而正學在天下者枯而且瘁也唐虞其春乎三代其

夏乎春秋戰國其秋叔季其冬乎雜集中庸之作責在

後世也信夫

使臣

周禮地官掌邦國之使節也哉以蕩為函英華之從

外著禮執圭而信私覲之所多非禮自虎人龍以有

象周禮隨山川風俗以毋違肆盖不越樽俎之間而

折衝千里之外春秋大都無君命之辱而輝煌使事

之宜論夫然侑飲則琵琶與鼓宋王聚觀則屋棟以

騎宋許思束脩以有其問學唐諸往覆屯而厚其賂

遺唐杜且牛酒迎勞曾問關于赤嶺唐姜如驛輶驚

愧遡通好于柳湄宋劉余美夫大諭監軍相期詔旨

唐李獨將騶卒却了他疑宋唐而猶美夫動色主憂

無官爵以相逆宋富弼決策死事終印篆以長持宋朱弁

于以減偽國之稅宋王方贊賑河內之飢漢書不多罪于矯

制况復斬樓蘭之頭付介傳郅子之首陳豈厚誅以

興師惟遊覽餘情偶爾邀于從軍涕泣莫勝唐如慷

慨就願至屬目于旁者請乞以時宋洪皓胡婦生子之

傳或好事者相為附會蘇武我輩自愧之語誠有心者

所自嗟咨狄仁傑而不見金石與賜唐太宗封拜可幾東漢

班超兄弟以分其優劣唐李義琰賓主以謝其安危唐張文寶裂

裾為西征盛事唐韋弘成著駟為副使前知唐趙景詩云不

辭驛騎凌霜雪能使天驕識鳳麟都哉

將畧

余讀周禮大宗伯以軍禮同邦國大師之禮用衆也

大均之禮恤衆也大田之禮簡衆也大役之禮任衆

也大封之禮合衆也邇始井田夏官司馬之法通相

嗣林木蚩尤利械之原呂其以為不祥之器老大事

之存淮夫豈不五才並用左而仁義常尊孫卿鼓鑿

音戚聚橐之間吾以想其所司周禮挈壺挈轡之際吾以

專其所令禮盡雲氣以高懸其物若异禮從書契以

按錄其要乃貞禮所不解熊穴而鳧篋遞有其象山海

尤有妙六神黃帝問而五色越記綽有其精則夫以中長

子易無咎丈人上糾糾武夫詩矯矯虎臣上氣奪于

三鼓狄青膽在于一身蜀志似據地之虎本傳若著翅之人

百傳米可聚于山谷馬援傳圖可獻于金城傳刀斗之所

不擊李廣傳囊沙之所共爭韓信傳所向無前何晏韓白論難

與爭鋒陳思王書無受詔以辨日東觀故迎降以望風上盖

其猛如雲謀如雨李陵書發以虎變以龍傳玄讚奚必

拜井後漢書拔刀漢書託其幻妄將無敦詩左傳檄抱相得

主從余以想其人乎虎頭燕額班超猿臂蚪鬚郭知飛

者有屬李廣真者與趨漢文紀其誰南牧之震賀惟忠北顧

之紆宋其誰將門之種隋書父風之餘宋真宗記又以紀其

名乎黃鬚詰其行在魏志紫髯急其追隨獻帝春秋未嘗蓐

寢自絕後漢從教羽扇指麾世說投壺兮雅適祭遵橫槊兮

妍思赤壁賦又豈不示矍鑠于馬上東觀料步伍于兒時

魏志嗟夫輕而無禮左貪而無親左既已知其必敗眾

可望而不可當三畧軍讖多算勝少算不勝孫夫乃策其

萬全其為容耶旌幟弊野光武記干戈若林陳琳武庶

庶駢駢詩者何似其為勢耶哢咤彭聳駭轟嘈嘯並武

庫賦鳧舉品鷹擊桓範簡者相傳若乃玄狐夢入正軍

黃鳥聲先墨驚看太白之入西會指慧雲之顛史雪

夜鵝鳴與擒元濟唐風聲霍啖以走符堅本夫豈灞

上之同兒戲漢街亭之辱家傳史艸木長風咸有王

師之氣晉山川積雨盡消胡騎之紛韓部落離心舟

中皆為敵國妖徒革面荒外非復他人駱賓王老入

孤城想秦山而惆悵杜傳收薊北感劍氣而沾巾賦

幽夢春閨雅念河邊之骨噓悲青塚空堆塞外之塵

試賦從軍之蕩子駱可忘在彭之清人也哉詩

義烈

聞之尹子賢者之於義曰貴乎富乎生乎是故堯以

天下與舜子產以不受玉為寶務光投水而噎三者

人之所重而不足以易義也尹豈拙逃亡咲盡田橫

之客南無由圖報知深德裕之賢續世當吾世而與

語者誰能無痛哭魏思往事而求歸不得那禁嗚咽

王志膽具足漢愚狷取憐後憂喜所以角異徐歌舞

所以慮煎宋每致書而待刑憲南不肆情以為名

專吳余觀陸氏之遺婆恤有勤于太守晉中楊彪之

老髦詔有謝其官聯後漢何必背死違生仇對之假枯

骨漢晉春秋不見蒙危犯難送別之遠藍田舊唐罪無習誣

李事異相成言指海神而要誓隋書偶村落而短情松

偶暴水流漂殊堪執檝陳書綠林橫掠曾否盱衡崔鴻春秋

雅念遺珠檢之可驗其美尚書相看負釜纂之不易

其貞風俗于以為生死之美談存孤趙氏續世說于以明

富貴之非志語謝楊生隋書即更姓名而從教明逸易

簡之輩范楊家志何不矢忠貞而卒成孔車樂布之聲陳書

君子哉若人游擊嘆吾所願親炙其行也

勇敢

人固有暴猛獸而操兵出入白刃之中而不變者有

見虺蜴而却走聞鐘鼓之聲而或慄然者是勇性之

不齊至于如此子詹以余辨其血勇之人怒而面赤脉

勇之人怒而面青骨勇之人怒而面白神勇之人怒

而色不變燕丹又不有負長劍赴榛薄折兕豹搏熊羆

獵徒之勇負長劍赴深淵折蛟龍搏鼉鼉漁人之勇

登高危之上鵠立四望顏色不變陶嶽之勇剽必刺

視必殺五刑之勇乎韓驚悚百步北史叱咤千人項羽傳

扛龍文之鼎史負山谷之薪五代史瞋目則舟中不敢

直視呂截腸則沙苑未有還輪伽藍拔樹多以俛仰北史

曳車任以縱橫御史臺記持諸客之飲床畧無傾瀉上挾

太學之礎柱曾幾震驚命載則夫馬稍自失南齊搗帛從

輕角力記尋不自持之都知幸而他禡劇談錄力以自負

之神策任可交并歙州撮碓而書壁間之詩頃滿命載

跨馬而挾眾中之刃幾傾續高僧傳酋健之吾徒就小吏

手腕已脫南史悖逆之新婦語供奉背汗交迎劇談錄淮

泗之間屬兒童為止啼之藥後魏東兗之境視羣盜作

攝敵之兵晉蔡裔豈其羊質虎皮不以拜君之賜南史抑

亦蟲股蟬翼非是惑彼之形列如是曰飛仙隋書曰逸

材楊大眼求之夏育申博選推侈惡來晏試賈其餘者

左聊嘉其捷拳北史豈壁龍而外及命載抑金剛以夢回

固彼生而富而貴皆不足與易也尹乃上而中而下

其無可自立者焉荀吾夫子匡人之圍絃歌不憊莊

此自反而縮之大勇也誰曰不然

廉吏

女而貞士而廉一而已矣改節者不可與語家語驕人

者其可以令乎吾自有性分之常原不為四知起畏

唐書吾自有遠謀之策其何妨清白相遺楊震傳而不見

惡木之陰無息盜泉之水無滋月書因其困窮非樂名

也志在自脩懼辱先也後周蓋利之為貴莫若安身非

惡才也周書如帛之有幅為之制度使無遷焉襄比尺

玉界文事類映冰壺上葉鶴往有其致趙汴貂裘非有所

誣傳試看潁川之飲馬風俗南陽之懸魚傳費有惜于

牙管梁書賜何廣于賍珠鍾離別傳梁山之絲宛識竹林道

旁之金奄餘韓詩余有愛周伯仁之流風敗絮醜釀不

堪沒籍鄧燦晉紀賀太常之表俗屋室服物止可周身徐廣

晉紀尤嘉夫善政纍纍九十之老人情深卧轍史卓行

表表布衣之天子感切縮綸南史孟水呈詞曾否揮涕

共酌北史古風志嘆從教隆禮相賓上谿編綠輿青衣者

誰氏幽閒鼓吹買卜供績者何人袁山松後書譬之石生堅蘭

生香前後若一東觀漢紀問之若清水若明鏡受授以遵

唐書豈無惹苴之嫌家書多其捕葺舊唐何為賈客之舉

岸側表其性真孔顛三携者不敢發言而去國史補一乘

者多所婉恨而來本傳來旨謹承一日之贈率爾其不

思也北齊高誼謝半萬年之祝其何能已于情哉耳目記

有官鼎鼐無地樓臺人有殊羨湘山野錄鍾乳三十兩胡

椒八百斛人有遺訾唐書誰為強清詐清史誰為人知

人不知晉陽秋君子以備其德以全其貞與其濁富寧

此清貧嘆爾在位祿厚官尊盍聳廉勤之節而塞貪

競之門姚兄崇水壺賦

貪吏

古者大臣有坐不廉而廢者

賈誼治安策

金珠脯醢契券

詩文

朱公集

詩有成于西蜀

華陽國志

謠有事于東門

魯國先賢

傳

誤裨官之

文昌雜錄

直酈酒之餘尊

宋書

一稱尉以

回身安能生

裴啓語林

汝何官而在俳從教驚喧

趙書掠

地之聲具相訝于神鬼

南唐近事

聚納之響乃上徹于主

聽

海錄魏書

鬚何埒于廬國

近事

釘何拔于宋庭

五代史補

驚蛻

會訴其狀

近事

莫鴈往狎以伶

後漢隱帝

而不見獄窟出納

蜀檣

溷軒載歸

鑑

夜半則海潮大至

紀

自餘則中山

幾移魏書所最鄙者有自持練若懸弧之可再該聞錄無

端得履會喙木之相隨僉載定賦卯鷄非夜以為候南史

聚生莖竹固秋以為期僉載謂選部非市曹通鑑請看掛

錢于靴後僉載謂公庭非白劫北史由來負鼎于場墻僉載

蓋至標分黃紫南史禮絕賈商隋書浴具之美金飾鑑床

頭之寶瑟良舊唐經紀有人值朝會而抱慙錢貫僉載流

離自苦縱肆赦而長恨白塘南部新布帛以趨誠咲僵

頃不勝之狀燕書珍奇悉變曷守多藏厚亡之常晉書斯

謂錢愚而無當也南史

酷吏

考古酷吏內刻刀鋸之刑外深斧鉞之誅新序所為例

竟門者由人來俊臣傳所謂生羅刹者何殊廣記束濕已甚

傳國史補同毒狼之野據舊唐類卧虎之吼鳴

南史鋸鑿鉗錘備置殺人之具晉中興書寒嚴酷熱時專按

事之名北史荆棘之堪箠笞無需人試上都城之多麗

景競絕生榮來俊臣傳若其取媚權貴舊唐希旨聖明唐睚

眦以啓隙晉書口腹以賊生隋書置剉錐而膽落魏書投鋒

刃而技分涼州記噫嘻悲哉鴟鶚創始舊唐於菟見存北史

吠驚天狗上笑碾胡孫談賓錄僊人獻果鑑玉女登梯

僉載曬以鳳凰之翅上鑽以獼猴之蹄金樓子斗米萬錢

自嗜酒之人比嘗糟味舊唐存亡呼吸從箠楚之下致

咲鼓吹外史其年幾何若期頤而未已五代史其歡安

在同咲啼以相隨五代史語曰寧飲三斗醋不見崔弘

度寧炙三斗艾不過屈突蓋寧食三斗葱不過屈突

通隋書寧食三斗炭不逢楊德幹唐書意嘻悲哉除狼莠

生嘉禾情傷屠伯晉書救目前賒後死慘甚宿囚索先祀傳

未見苦楚無何眉目為之滿暢舊唐安得哀矜而喜意

氣為之優游王弘義其十柳與號志自三脫以稱紀聞羅

鉗吉網舊唐乳虎傳蒼鷹史而不見羣妖橫道唐志眾鬼

滿庭萬國俊蹭蹬者之生氣凜凜僉載孕育者之死絕冥

冥廣記雖家以豪待魏宋翻傳抑妖自人興僉載不寒而栗義從

傳已絕而生李彪悲哉

佞臣

阿諛順旨

嚴光書

作偽習非

翔傳

食犬彘之食衣臣虜之

衣

英華

伊彼丐者始容于時

元結馬論

揚州押衙試習來蘇

之舞

金華

陝城縣尉由歌得寶之詞

世說

劄子相通萬拜

而甘僕僕

蘇筆記

詩詞寓意九錫而語纍纍

宋

嫺母何

奢諂非其人而偶誤

新語

中書滑八意得所當而從來

續世說

承蹬捧溺之流並作何狀

僉載

狎居逐遠之客是

否相猜

避暑曼抄

則夫獻畫日之筆

續世說

捧蓮花之盃

王永

年

蹇紫衫而挽車犢

僉載

把長淚以祝雀媒

御史臺史

無為

濯足

仇池墨記

何用拂鬚

冠準

那猛獸之出境

馮希樂

豈黃龍

之經時

續世說

吾嗔夫哭未有緣率高義于惟次

北史

乃作態第增妍于履聲

僉載

快夫貢媚之有深情當者

因之暴語

舊唐

阿附之有巧態頃者戮其餘生

僉載

代犧

面而莫有其身與同宗祝

林語

美嘉樹而不啻其口徒

耻聖明

大唐新語

競償啓箋商販之行藏從教驚嘆

五代史補

緊還封事逐臣之論列為辨重輕

鑑

滿坐生悅每言

輒佳

世說

此放鄭聲者之不若遠佞人耶

東軒筆錄

讒臣

余讀元和辨謫畧聖德先辨謫何由興

續世說

乃如天

與奸回更羣不逞之代吠

上人

人多痛惜祗公作惡之

相仍

舊唐

爭表賀于宰臣旅揖作態

上

傳治葛于時事

卧内與憑

上

則夫崔羣之有公望

新唐

韓愈之幾狂疎

假寐而趨閣内

舊唐

偽請而事邊儲

舊

計何深于故

舊

嚴挺之

表何事于宰屠

續世說

驕色可鋤目送若階之

厲

王勃

除書多免搔頭乃肆其誣

李固

豈為愛擁妻兒杳

無心于内顧

班超

孰是私歡游士反有噬于案連

李膺

乃

若質對馬周猶央央于伊霍故事劉洎鞠訊公喻終志

恚于宗廟深憂長孫無忌傳料泉石之多情誠恐見逼操

非水草之偶乏已誤宴遊北史朝議莫遵那秃巾微行

而唐突宮掖後漢王道自潔率亂羣惑衆而傲語王侯

上蓋至蕙苾之珠以懼東漢錮鏤之劍無生史第有謠

于乾象裴度了不肖于廷評蕭望之狂奔陽翟之野楊億酖

飲夕陽之亭楊震曳踵有狀姚崇積篋已盈樂羊子取賦新

井白居易亟發小榷白敏中倚粧飛燕之吟怨啣妃子李白

曲處螫龍之証語塞詞人宋玉珪鑿鑿老翁終魏都蘇軾

以不反史維陽年少旋長沙以問津史悲夫之紀之

綱幸有鑒于奇寶李靖此來彼往妙有術于東亭世說帶

二江之雙流寄語史南傳禁中之偶醉早號司刑

魏書如怒絕老獠掖庭没入之女奴因申詔獄異聞錄柰

巧專要寵前席傳呼之名士藉予忠貞世說而不見霧

合風揚軍士之皆流涕陸機別傳家歿戶瘁識者之紀前

因北史為鬼為域詩以菲以萋上其在市之虎也魏其

止棘之蠅兮詩浮石沉木新書銷骨鑠金鄒陽上書誰非流

言之毒書遮莫窮竒之林左茹古氏曰讒毀小人之

所爲也其禍常加于君子舜聖纔說禹慮巧言湯懼
匪彝武戒比德有以哉

奢

反儉者奢說文必以惡終左襄將以力斃襄無乃不可乎

以余所聞金龍吐旆玉鳳啣鈴加藍山層華岳水引

天津僉載玉砌金堦見鏡光之榮飾隋書錦帆綵纜快殿

脚之娉婷隋錄候高陽之鳴騶鏡吹响發加藍映華清

之扈從鈿舄香馨舊唐夫然揀香栢而梁文梓郭從糝

燠釜而爨爨薪晉書盡山海之珍饈抱慙玉食曾子誤

箇中之茵褥笑語羣婢語林亭樹之間隨所至而皆如

宿設唐荆楚之域載所歡而多以忘歸徐君金丸之

所馳逐雜記寶帳之所芬輝命載更襲皂笈世說妙事肉帷

南唐近事水面映之若畫續世說山頂掛之窮奇獨異甕有懷

于阿隸羊稚舒唾且含于小兒晉書符堅爐有捧于七寶遺事

燭有握于十圍上遠駕輕舟割以甘寧之錦吳志閒遊

西苑曝以元載之衣杜陽編何環龍而若抱續世說忍走

馬以如飛獨異其與華綉王愷之徒每增愧羨續文夫章志

豈安成臨汝之輩並可憑依南史盛飾蠻夷則珥翠襪

鮮莫見怪于市肆隋書冠絕邸第何剪金塗玉至相効

于京畿佞幸傳吾不知梁冀詔收殆滅天下田租之半

後漢又不解江陰先事長抱石崇我見之歎洛陽加藍則夫

施予頃盡列勝賞有奇南史猶有誦靈光之賦蜀志無妨

詠北海之詩魏書書記彩牋侍婢女掌之裁答授意韋陟

傳出入驄馬小黃門御之端秀冠時明皇雜錄試看賓旅

相從共有錦文之勝天寶遺事何似河橋緩步生憎煉炭

之炊劇談錄說者曰地仙則是五代史人世已非僉載歌歎

休哉

儉

儉德之共也

禮

君子以儉德避難

易

昭其令德

左

篤

其素風

唐

當如是以惜福

宋史

寧孜孜以執中

周書

則夫

頽簷敗壁

宋李沆

澣衣濯冠

禮

食不兼味

傳

裳不加緣

東漢

思一日之事為有期

范文正公

遡兒時之素履那

喜華顛

司馬公訓儉文

快處青幃公孫弘之矯詐相從斬者

有事

寇準

生憎紈綺乳臭兒之驕侈忒甚棄者多偏

唐鄭

澣

滿架圖書輕肥自非所好

張詠

一腔風雨甘旨且以

嗚咽

范文正公

乃如士孫之作宿客

三輔決錄

叔山之了晤緣

江表傳 門無簾箔以處盧懷慎行如環珮而前張錢已從

于減步笑紙猶事干裂殘韓莊敏遺事時覽刺而怒獵續

說但得譽而啖甘蜀檣解以守儉之嘲則種以十八

伽藍種以廿七南史猶多豪于自奉約以破慳之術作百

人厨作千人食且絕幻于大端異鬼志胡為義路蹇榛

顧一銚而若失九國志試語估人宰割未一筋而終寒

廣五行志語有云君子侈不僭上儉不偏下豈尊臨千里

而與牧圉等庸乎詎非矯激未可以中和言也後漢

茹古畧集第七卷

楚人程良孺穉脩父著

友人吳禎澹人父

男正揆端伯父

門人 劉之瑞 較

馮啓胤

品藻

余讀世說蔡中郎有言吾為天下作碑銘多矣惟郭

先生碑頌無愧色有是哉閨門雍穆有德有行吾敬

陳元方兄弟淵清玉潔有禮有法吾敬華子魚清脩

疾惡有識有義吾敬趙元達博聞強記奇逸卓犖吾

敬孔文舉雄姿傑出有王伯之畧吾敬劉玄德嗟嗟

陳登而驕乎悲餘子之瑣瑣魏志公叔座而悖乎致魏

主之盲盲品覽吾欲定功德後先犯上攝下之間何持

疑論姚信士緯吾欲定品望優劣三輔江南之域爭似比

雄桓談新論西望隆中思卧龍之高翥東眺白沙想鳳雛

之遺踪晉書千載之廉頗相如凜凜生氣見在之曹餘

李志厭厭泉中庾道季云為酥為酪為乳腐為醞醐國史補

故曰八音之琴瑟空谷之白駒世說誰是將來之津梁

魏書六籍之婢奴南史百尺之樓高卧魏志九州之被誰量

後漢愧鄙邈之如昨舊唐書快識度以非行隋書慕汲黯之為

人姓字可續南史愛子雲之作賦周旋幾忙北史設風教

之多資生憐贖府唐書英華如行伍之餘孽豈謝汾陽樂史

序譬之朱漆澤光朗然詎不求備典畧譬之鹽酒至味

同在故以遠將魏書評其四凶為穀為笨為猾為瑣凡

庸何似晉書求其八儁宏耶方耶達耶裁耶朗之與誕

耶委之與黠耶名譽滋張上公慙卿卿慙長逝紀太

丘于四世博物大兒文舉小兒德祖雅善正平于同行

後傳不惟其官惟其人吾有愛風流之小吏也晉書又何

嘆揣摩之至神定命錄

夙惠

虎文鳳采陳子昂云龍駒鳳雛晉書一不為少也陸瓊百豈為

多乎任昉余觀其小時了了語林時望超超晉書豈咫尺角驂

駒不能致遠新序顧要裊飛兔頓爾前標魯連子如是而

宿棲金樹芝田錄而聳豁昂霄唐書而畫眉內殿劉晏而羽

儀當朝唐紀則夫池蛙記詠舊唐書大鳥入夢宋璟孝從其至

性漢書才擅其名通文士傳彼饑渴之老翁賦先坐席上

豈獠面之乳臭對矯配松唐語林說者曰吾家之千金

說世說海上之三珠舊唐書不堪與徐陵作解譚賓錄那無似虞

荔終愚陳書事有嫌于惹苴漢書書有謝于曲鉞吳書四聲

並詠唐舊朋字誰任雜錄應聲廡中之兔開天傳信遙指架上

之鷹南楚新聞詎作阿翁之戲世說雅足嚴兒之稱天中于以

書讀湯誓唐書職辨成均北夢瑣言擁篲趣庭非與傭保而

雜作開天傳信彈棋撫背將無文學以絕倫芝錄非第應對

為工有如何顧北史崔陳世說之屬奈何疑惑忒甚始信

東阿南史書判唐舊之名比人中之騏驥必致千里徐到

玉皇之香案始謫人間道山詩話憶假以年都士之奔馳

車馬若絡李傳且嘉以瑞聖朝之賞賚衣物幾班鄴侯外傳

而不見科名童子雜錄官拜上卿策纔可總角抱聊記

罕生列女辨圖傳蓋宿昔之緣種先文字之果長慶況天授

之異響絕碧波之揮古今詩話緊求之女流以名幼玉朝野

雜記何疑其師帝莫紀蒲衣也哉高士傳

廣識

夫其博雅君子也者古有輶軒之使

華陽國志

山海之書

書目

紫文金簡之秘緘徐登禹服

抱朴

露壇月館之銘識

具紀舜餘

拾遺

出使虜番土地山川之所終始

雜說

陟登

嵩嶺蛟淵龍穴之所蓄儲

殷芸小說

所以直日之貪狼若

稽列宿

野史

事應之巫蠱旋且含冤

朔傳

來賓者以白麟

前漢

以神雀

後漢

精古者以髦頭

摯虞疑要

以犧尊

梁史

走羊腸

之兩道

隱逸

械窳窳之離魂

山海

倏囊之小兒奚自

搜神

洮之大人見存

張瑩漢記

則又有渭水女子

耆舊

未央老翁

志為實沈為臺駘問禱祀于晉汾之野左或乘舟或

控鶴設禮祭于江海之宮漢遺事銘有識于鼎斛高僧聲

有諧于洛鍾世說勞薪所以何爨隋劫灰所以數窮高僧

尺以在罌非久魅也之入搜神蟠以覆地疇解快哉之

憂方朔別傳若夫驗以焦明南齊烹可彭侯搜神佛齒終為神

物史補海眼別自蠶叢名畫錄訂亥豕之誤弟子解識駁馬

之雄管子引短推長疏數十事未厭南史殘文缺記辨三

五字有奇舊唐攷質石經賞絕華林之宴北史識亾三篋

具購河東之遺本傳其為着脚之御覽吳地志行在之秘

書隋唐嘉話遠西之麟角南越之側理誠博物者之滿志

殷文圭啓注扇以白團箆以五色妙大力者之登車南史余

讀魏文帝觀立圖書登者寥寥莫舉瑣言再觀何承天

識精威斗疑者往往相如宋史憶平阜之東遊悵然自

失別傳檢持橐之往事信矣無虛梁書蓋欲習山海之所

熟尚書故實于以嘆樵子之可茹葉曙搜知允以秘閣之藏

無差第幾道山清話按顯晦以海外之記果見本初清波雜記

嗟乎子雲不再曼倩焉居葆光錄宜改肉譜隋唐嘉話勿載

副書上其亦學之府南史而書之廚也歟十國紀年

捷悟

必且歷日曠久乎絲毫猶能挈石駑馬亦能致遠是

以聰明捷敏人之美才也新序微言響應史合解參同

席上腐談索黃絹之解自謂不及世說思枰楯之用有幸相

從上時日西斜訝敬文之不在桂苑叢話人間傍立本湯

水之多窮席上腐談于福有待清話與原有通越絕書哭智

號出左餉酪題封世說生擒兆于裴度宣室獨眠諒于陶

公千文青鵝自與知合謀于往昔僉載雞肋可惜曾無

意于漢中九州春秋若乃淮海從遊顧賓幙以若失桂苑叢談

東川命曝屬書記以前因寓簡偶爾山庵醉醴泉而偃

榻下宣室志從教商洛更旬服而數浹辰吳開記受旨之

星流戲者幾誤羽日鑿齒酣舉之宴客賞者絕倫伽藍非郭

舍人之嘲狂顧期榜百前漢抑梁武帝之懷忌致嘆經

旬南史道旦者未知何氏韓詩外傳卑髡者莫定所論新序悲

夫

識鑑

以余觀于朗鑒也智在事先言與事叶若是姚崇之

以生算死也明皇雜錄豈歎桓公之暗夜燎燭哉呂覽是以

見幾之君子易識務之俊人鑑夫自有心豈必待洪

濤蕩岳餘波見漂之日晉書勢當有盡其何至毀骸裂

體煙寒灰冷之辰遺事生行死歸第永嘆于諸子後漢才

多識寡已作愧于孫登文士傳侏儒一節之驗吳志小人

道長之稱後漢觀蒲博而求必得世說調筆策而思擅能

冊遮莫解衣而羸前漢那從裝裾而傾南史雅慕熱官試

想披猖之自北齊還顧首領佇爭露朽之名隋書謂噉粥

無暇謀迨噬臍而悔何及南史苟思尊有遠計故執手

而語相迎晉書主關隘者此輩世說平天下者此人先賢行狀

其不必美秩崇階吾嘉陳尚書之乞骸骨前漢而不為

危言覈論吾嘉郭介休之善人倫後漢若以矜淵中之

察韓知亾後之賓說苑與勿笑端豈熙載之自污予馮

聲妓南唐待可翹足彼玄齡之却顧誰但黔氓舊唐尚主

而思其穢冊府致祭而忘其牲說苑不為向火之乞兒煙

盡灰冷天寶遺事先于兆亂之禿子屏迹絕聲語林吾不謂

識鑒者之多其人也

任誕

若有人焉甚者名之為通次者名之為達晉書吾見朝

憲不拘謝几而寧形神可惜王忱露首跨牛之狀趙鄰几傳

括頸索輪之行北史允傳清風朗月兮晤對南史美酒名勝

兮交傾北齊青山綠水蜀檣蓬室草筵魏書第是攸攸岸

憤而嘯咏晉書何須蹢躅羽化而登仙范純仁杯酒豈加

于身後世說名位那重于目前劉舍度游且澹歸太守之

相逢不識謝靈運終當情死茅山之痛哭堪憐王孝仁吾

求之天下無偶後漢人地並高何岷無失于酒肆拾遺興

每弄于輕舸李白天地為宅舍屋宇為禱衣時堪捫蝨

王僧達明月為鈞虹霓為餌頗識釣鰲撫步屨白楊第

期作偶袁燦縱懷名阜那却中邀孫承宗余悲夫看屋梁

而仰眠牀上侯肅嘉夫痛飲酒而熟讀離騷世說五十

之年宦情文意已盡李厚基名教之地裸裎袒裼相勞

王平子于焉窺竇先逸于焉解貂世說其弓弦霹靂如餓鴟

叫澤中安事新婦之邑邑曹景宗其布襪龕惡騎行馬

入市里任樂傀儡以陶陶杜本酒至與酣把琵琶而叶

作韻馬老屬詞染翰高卷軸而劈綵毫賀知章但不知鄰

女之盡哀有無舊識阮籍官妓之肆穢曾否忤容周顓何

為醉卧當壚聽其便適阮甚且治事郊野忘其迎逢

王僧達彼其輕死生更百年以誰後桓談新論併爾聯旦暮

曙城郭以鮮終范純仁又何怪得道矣皆述其祖晉書行

樂矣靡恤其躬乎浩然集序茹古氏曰粗得鄙趣王坦之遺謝安

輒笑窮途晉書謂滅性以居喪甚故增其號泣晉書若從

容以顧語扇豈任其狂疎胡母彥國驚訝綠林尋山涉嶺

之為屐可半折宋書事從白簡青羅朱粉之飾嫗那從

史王祐且以傲教坊之名手漢書且以盡僕射之佳孟

乾牒子且以作監軍之食客世說且以稱學士之賈胡石曼卿

卿厲聲以指其舵晏殊效顰以盡其鬚郭忠恕屈指而併

以五朝野僉載羞死而見以吾續世說嗟乎斯以語于矜誕

者乎

德譽

蓋聞之武功聲名攘于衆口之多駱勒之鼎彝詩垂

之竹帛選塞之宇宙典論懸之日月文粹毓德衡門辨命論

安身陋術原憲讚接于俗則超然而歎標荆州記授于天

則傑然而秀出汝南志曰快士蜀志曰奇才金陵海上明珠隨

所在爲至寶也吳志雲中白鶴豈鷄網所能羅哉却原別傳

夫無德可以堪比後漢家寶勿以示人江表傳從暗中以

摸索纂要自萬頃以奔奔南史披詠襟懷何知明日世說吐

納風韵如奉明禋南齊則試縣陳蕃之榻後漢登李膺之

門世說欽其寶莫名其器上分其緒未了其源南史柳惲河

朔英靈忻從天上而至李德林東南遺美頻驚獄吏以

冤狄仁傑傳落落巾車無成祭酒之輕薄南史殷殷館席可

成尚父之推尊小迨至并畱畫像伯皆競立豐碑徐稗

心中如醉魏書目送標奇梁書將羔鴈而諧徵召陳寔持

白羽而任指麾語林信汝南之管鑰許劭仰中林之蕙

芝吳淑如是潘陸已見陳書管晏絕倫蜀志誰為勅敵之遇

北津梁之人上休哉龍翰鳳翼魏志玉色金聲上煙飛

而雨散辨正論嶽峙而淵清李膺超超天外矯矯雲中

南如霜台籠日如寒風振松宋書昂昂千里之驥先賢

渺渺霄漢之松商芸百間架屋世說暑月懷冰南史無採

春華而忘秋實魏志無雜黍稷而混辰星孔文舉纓綉之

徒紳佩之士孰不望表而影附伯喈少者懷之長者

慕之寧至執忿以偶爭先賢茹古氏曰如英雄而逸

其半小胡豎子而幸其成史郭有道之善行里兒重

為失笑本傳黃叔度之懿軌牛醫何事相輕汝南說者

曰相門有相南史吾曰名下無虛隋唐說者曰公器可

取莊吾曰盛名難居房瑄則是名也洵造物之所忌

玉壺清話 而杯酒之不如說世

言語

言心聲也楊妙有四術賈誼酌以九無左興雲奔踊

交州名吹生嘘枯鄭太一字不可增減馬周百金更

不躊蹰典則有令音之賞王濛好語之疏林應答若

響左引議如流後漢會理之間要妙之際既絕倒于衛

玠衛玠民之協矣民之莫矣將釋辭于通侯左鋸屑

之霏霏不絕晉珠玉之嫋嫋相投謝公縱橫焉五兵

之在武庫晉宛轉焉五音之叶歌喉周吾以徵其才

曰奇劉士曰異世吾以嗣其響曰苦曰甘史如香葩

之麗燦遺事如下坂之走丸天寶遺事一片清談自不假于

潤色寓簡需時辨答但益共其雅嘆庾杲因而尚論廢

興倦容則未龐統即與陳說今古冷味有存張天錫善敘

名理裴遐唯道寒暄世說不妨抱以羸疾衛叔寶況復假以

醉酣焦遂棄無虞于糟粕杜之松洞有見于肺肝宋滕甫由

西府而乘雪興李韋取胡牀以坐籬邊南縑裏迎眸吾

笑何遠之儕莫伺其一梁書幅中奮袖吾訝李膺之客

俱退以千東漢嘉夫簡要忻然未幾除書有至北齊怪夫

縱談竟日移時嫉已乃前張天錫身隱焉文貪天功以

為已力難與處矣左從使往立若無言而少不颺幾

失子焉史混混名理超超箸玄七賢傳仁人之利以溥

本傳十萬之師以賢孔帖唇舌之在君卿相媿筆札漢書努

力之與阿隗無幾困顛列女勿深于矛戟荀榮序由樂以

瑟琴荀非相但孤寒以率性石蒼舒寧押闔以沾襟史記乃

若垂戒于蝦蟇蛙黷墨覆辨于躁人吉人易當正始

之世而以德掩王祥每不足之處而以誇徇肆考言也哉

德量

易曰包荒書曰有容故德者福之基也

國語 汪汪千頃

漢

休休大臣

學

若吞七澤

上林賦

可容百人

晉書

夫豈多

為褊急

左定二

嘖有煩詞

左傳注

何不差彊人意

後漢 秘密

卿知

司馬徽別傳

從喜温以亾見

衛玠別傳

處風度以自怡

唐書

有事禳祈若致矜于木偶

舊唐

自彼逋蕩此暫汚乎車

茵

前漢

雖當流矢雨集之時談笑自若

後漢

况復林泉枕

帶之好簡澹絕倫

周書

乃若遂以破賊

晉書

聊以遣婢

北史

母禁偷兒之飲

九國志

時寬膳者之欺

家王

擲鵠且從

其誤

隋書

認馬何必非真

東

徐定盥洗

世說

但謝秉鈞

李沆

數憑以玉

韓

羽化以銀

舊唐

狂酒與沐之爲應作何狀

乾牒

陰闇勿藥之似是否相殉

舊唐

夫選部非私無容

灑墨

新

鋤園雅適未許更衣

別

作態于小鬟從看相

業

呂夷簡

奄留于奕客粹辨賊圍

蜀志

舍逆旅而狎所不

知琴若增其遠韻

趙閱

例廷叅而值所未有茅益共其

芬輝

龐籍

蓋至願切謗訕

金史

間謝姓名

呂文穆公

非關癡絕

北史自不寵驚

國史纂要

余異夫賜死伸毫屬監刑而理多

懇至

劉禕

嘉夫尋郊呵騎直水南而舉有逢迎

富韓公

几上深情至他事無生猶恐湮于遺德

遜齋閒覽

岡頭遠

別曾三日共語輒引絕于宦成

世說

故以狄仁傑爲人

莫窺婁公之際

林語

若以夏太初往事無辭明府之行

魏書

多見其不知量哉

排調

依隱玩世詭時不逢其滑稽之雄乎前漢謔浪笑傲詩

知計交酬姚讀屈原之騷辭如脂如韋崔攷楊雄之

酒賦盡吐籍沽天啁而若流裔之書詞此類蜀志戲而

相愧靳之字義何為左吾取禳田之喻記乞火之功

策勿唐突于西子庾元第得幸于王公語想當然耳

後漢精苦其中孫安索具于私釀之家從教吏議蜀志逐

臭于新貴之子詰語家風南史劇秦美薪之誣問子雲

果從西漢北窻巨鼻長年之證計彭祖幾許孤峰別

輟筋而深忌諱

南史

長溷而保穢叢

謝幼與詔周侯

喜清風之

已至

林語

苦熱日之交攻

酉陽

何作轅中之客

家訓

生憎蕭

寺之逢

談藪

杳無潼關以歸路

僉載

從教羅刹以漂蓬

顏啓

錄誰為狗枷誰為犢鼻

宋拾遺錄

于馬載燾于馬執鋤

談藪

生者未識胎卵

韋航記談

死者未遽逃逋

程史

別開一太湖

瀦洩何處

明道雜志

多伏以行綴幕笑有餘

國史補

罰誤收

之堂印

善謔記

驗落地之數珠

五代史補

許而不與徒貽駑

鈍之誚

談藪

忽焉在後長憐糠粃之殊

世說

世不乏雲間

之龍騰翥

世說

寧乏羅友之鬼揶揄

渚宮故事

世有難得之

佳人知風之自

蕙畝英集

抑有彌天之太保登高而吁

世說

如行恭之蒙冤言訖而悟

善謔集

如東山之就辟目謝

而呼

世說

豈誠寒暑莫知鄉來有意

南史

夫且仁義素習

鄙俚無拘

啓顏錄

噫嘻邀楊玠以相過因而酣醉

談藪

侯白以作隸今且晚歸

啓顏錄

既而倒著徐徐誠玄齡

之不死

唐新語

未幾草制切切快博士之芬輝

記異

太史

公取滑稽名傳淳于髡猶為諸侯王客而孟旃皆優

伶乃與諸君子並列矣何哉

嗤鄙

以余論于嗤鄙也毋為才語世說祇是穢流庾元威論書誠

省中之未有舊唐故夷使之所羞隋書試求之茅鴟之吟

相鼠之賦左抑譬諸園中之鹿欄中之牛衡論卽以接

可名流與增諧笑北史卽以快其封爵具鄙三國志

謝眺之詩非誣從教華省御史臺記韓信之說以及見事

欄构談苑則夫驗蛙聲于王莽漢書覓鳳毛于趙宗南史懊

胡父以薰鼠世說驚漢兒以真龍北史賀傳得鐘兮耳掩顏氏

家訓刻舟兮劍求呂覓何火具笑林迎共石頭世說破賊之

兵矜得筭于請禱晉書登仙之品任靈變于題封晉書若

乃語次金雜志銀南唐近事遙想鍛工畫士之役仇校經文會

叢唐書史直訝印函文選之庸句欲識士衡試誦營道

烈心之句劉義綦未知太傅從驚綱紀墮淚之由世說忽

爾馬市與擒熒惑而狂語十六國春秋未幾輿圖見示鹵

薄而綢繆南史非誠見揮鞭著帽之流能以役鬼北齊亦

第問總慘愁惛之事聊以聚麀南史則又觀夫弄麀相

慶舊唐書鬪雞與紛塵史國忌之辰恣其歡笑僉載多感之歲

判以書文上賊至入其中藏牢伺柄鑰上寇急懷以

國寶易了從軍薛史曳以露布續世說搗何流冰東軒筆錄惠

損蹲鴟家訓爛矣錦衾談藪月下長吟至處眠而絕未有

異晉書階前典謁將履席而漫爾相尋笑林但不知黃閣

之聲名鼓吹不啻其口張敬兒道旁之癡事悲涕不以

為多世說風流文雅之知章喧集以訢事天中家學庭訓

之校理憑臆以訂訛善謔詩京兆有聲時投牒以無狀

白獺姓名自及故署尾以相過語林悲哉遯羲皇以上

之人何為其號泣北史憶蘇州與權之日安測其勘磨

東軒事錄門第則方相之再乙啓顏錄才華則妻子之不容

韻樓藏版

家訓 茹古氏曰此誠有快夫嗤鄙者耳可柰何

輕詆

夫我當何處生活

林語

名士豈終妄語

世說

其輕詆也歟

哉仕宦有情則子魚之老吏

世說

著述何事則孫帳之

下兒

典畧

豈為聚溷之因羣狐所托

世說

將無搏擊之用

怪鳥少知

晉書

則夫降階已甚

謝鎮西書

游獵何居

南史

其相

凌以樗蒲

南史

其肆穢以連珠

齊書

其增嘆于狔虎

世說

其

忽競以雄狐

畢義雲

鸞鶴可乘憶遊仙之咏吟每煩夢

寐

北夢

駱駝從伏想六合之奇博莫易狂愚

北史

委巷興

謠勿誤傳于身後

顏延之

霸朝有兩率爾比于邪翰

北史

彥舉精騎試較于此千彼萬北史韓陵片石誰解以若

薛若盧載夫元禮為龍津旋當點額晉書迨康成于車

後抵是垢囊世說曲江之名字炳如忽而指顧玉泉西川

之功業自在漫爾相商薛新乃如向櫻桃以作賦舊唐遡

華林以承芳也悲哉南史



